



Ásahreppur

PERSÓNUVERNDARYFIRLÝSING

FLÝTILEIÐIR

Pú getur farið beint í ákveðinn kafla með því að ýta á kafla/ undirkafla hér að neðan

Almennt.....	2
Ábyrgðaraðili.....	2
<i>Samskiptaupplýsingar Ásahrepps</i>	2
Persónuverndarfulltrúi	3
<i>Samskiptaupplýsingar persónuverndarfulltrúa</i>	3
Frá hverjum safnar Ásahreppur persónuupplýsingum?	3
Hvaða upplýsingar vinnur Ásahreppur um þig?	3
<i>Íþrótta- og tómstundastyrkir</i>	3
<i>Heimgreiðslur</i>	4
<i>Þegar þú sækir um starf</i>	4
<i>Á meðan þú starfar hjá okkur</i>	4
<i>Þegar þú sendir okkur fyrirspurn í gegnum tölvupóst</i>	5
<i>Þegar þú, eða vinnuveitandi, þinn á í viðskiptasambandi við okkur</i>	5
<i>Önnur vinnsla persónuupplýsinga tengd starfsemi Ásahrepps</i>	5
Miðlun persónuupplýsinga til þriðja aðila.....	5
Varðveislutími persónuupplýsinga.....	6
Réttindi þín	6
<i>Aðgangsréttur</i>	7
<i>Réttur til leiðréttinga</i>	7
<i>Réttur til eyðingar / Réttur til að gleymast</i>	7
<i>Réttur til takmörkunar á vinnslu</i>	7
<i>Réttur til að andmæla vinnslu</i>	7
<i>Réttur til að flytja eigin gögn</i>	7
<i>Réttur til að afturkalla samþykki</i>	8
<i>Réttur til að leggja fram kvörtun hjá Persónuvernd</i>	8
Öryggi persónuupplýsinga	8
Endurskoðun	8

ALMENNT

Ásahreppur hefur einsett sér að tryggja trúnað, áreiðanleika og tiltækileika persónuupplýsinga í hvívetna.

Í persónuverndaryfirlýsingu þessari er því lýst hvernig Ásahreppur vinnur með persónuupplýsingar. Öll vinnsla sveitarfélagsins á persónuupplýsingum fer fram á grundvelli laga nr. 90/2018 um persónuvernd og vinnslu persónuupplýsinga („persónuverndarlög“).

Með persónuupplýsingum er átt við allar upplýsingar sem hægt er að rekja til tiltekins einstaklings. Hér má nefna upplýsingar á borð við nafn, kennitölu, heimilisfang, símanúmer, netfang, myndefni, netauðkenni, samskipti, bílnúmer og fleira. Í 2. tl. 1. mgr. 3. gr. persónuverndarlaga má finna nánari útlístun á því hvað fellur undir hugtakið „persónuupplýsingar“. Í 3. tl. 1. mgr. 3. gr. persónuverndarlaga má finna útlístun á því hvað fellur undir hugtakið „viðkvæmar persónuupplýsingar“.

Með vinnslu á persónuupplýsingum er átt við aðgerð eða röð aðgerða þar sem unnið er með persónuupplýsingar. Sem dæmi um vinnslu á persónuupplýsingum má nefna söfnun þeirra, skráningu, varðveislu, breytingu, miðlun, notkun, skoðun og fleira. Í 4. tl. 1. mgr. 3. gr. persónuverndarlaga er nánar útskýrt hvað fellur undir hugtakið „vinnsla“.

ÁBYRGÐARAÐILI

Ábyrgðaraðili við vinnslu persónuupplýsinga er sá aðili sem ákveður tilgang og aðferðir við vinnsluna. Ásahreppur er ábyrgðaraðili á vinnslu persónuupplýsinga hjá sveitarfélaginu.

Samskiptaupplýsingar Ásahrepps

- Ásahreppur
- Laugaland, 851 Hella
- S: 487 6501
- asahreppur@asahreppur.is

PERSÓNUVERNDARFULLTRÚI

Ásahreppur hefur tilnefnt persónuverndarfulltrúa í samræmi við persónuverndarlög. Hlutverk hans er að sinna innra eftirliti, fræða og ráðleggja starfsfólki um þær skyldur sem hvíla á sveitarfélaginu með tilliti til persónuverndarlaga. Jafnframt er persónuverndarfulltrúi tengiliður við einstaklinga og Persónuvernd.

Samskiptaupplýsingar persónuverndarfulltrúa

- Vigdís Sigríður Jóhannsdóttir
- vigdis@landlogmenn.is
- s: 546 4040

FRÁ HVERJUM SAFNAR ÁSAHREPPUR PERSÓNUUPPLÝSINGUM?

Ásahreppur safnar í flestum tilvikum persónuupplýsingum frá þeim aðila sem persónuupplýsingarnar varða. Í ákveðnum tilvikum safnar sveitarfélagið persónuupplýsingum frá þriðja aðila, t.d. Þjóðskrá Íslands eða öðrum þriðja aðila. Í slíkum tilvikum reynir Ásahreppur eftir fremsta megni að upplýsa viðkomandi um það.

HVAÐA UPPLÝSINGAR VINNUR ÁSAHREPPUR UM ÞIG?

Íþrótt- og tómstundastyrkir

Ásahreppur styrkir börn og ungmenni allt að 18 aldri til íþrótt- og tómstundaiðkunar ef uppfyllt eru skilyrði reglna sveitarfélagsins um íþrótt- og tómstundastyrki hverju sinni. Markmið íþrótt- og tómstundastyrkja er að gera börnum með lögheimili í Ásahreppi kleift að taka þátt í íþrótt- og tómstundastarfi óháð efnahag fjölskyldna.

Þegar þú sækir um styrk er kallað eftir nauðsynlegum upplýsingum um þig og barn þitt á borð við

- nafn og kennitölu hjá þér og barni þínu ásamt
- upplýsingum um heimilisfang, símanúmer, netfang, reikningsnúmer og upplýsingum um tegund íþróttar eða tómstundar.

Sveitarfélaginu er nauðsynlegt að vinna með persónuupplýsingar þínar / barns þíns í þeim tilgangi að taka á móti og afgreiða umsókn um íþrótt- og tómstundastyrk.

Vinnsla persónuupplýsinga vegna umsóknar um íþrótt- og tómstundastyrki byggir á nauðsyn vegna beitingu opinbers valds, sbr. 5. tl. 1. mgr. 9. gr. persónuverndarlaga.

Heimgreiðslur

Ásahreppur greiðir heimgreiðslur til foreldra sem uppfylla skilyrði reglna sveitarfélagsins um heimgreiðslur hverju sinni. Markmið með heimgreiðslum er að létta undir með foreldrum þar til barn fær leikskólavist.

Þegar þú sækir um heimgreiðslu er kallað eftir nauðsynlegum upplýsingum um þig og barn þitt á borð við

- nafn og kennitölu ásamt
- upplýsingum um heimilisfang, símanúmer, netfang, reikningsnúmeri og tímabil sem sótt er um.

Hægt er að bæta við upplýsingum um „Annað“ en það er valkvætt.

Sveitarfélaginu er nauðsynlegt að vinna með persónuupplýsingar þínar / barns þíns í þeim tilgangi að taka á móti og afgreiða umsókn um heimgreiðslu.

Vinnsla persónuupplýsinga vegna umsóknar um heimgreiðslu byggir á nauðsyn vegna beitingu opinbers valds, sbr. 5. tl. 1. mgr. 9. gr. persónuverndarlaga.

Þegar þú sækir um starf

Þegar þú sækir um starf hjá Ásahreppi safnar sveitarfélagið upplýsingum um þig á borð við nafn, kennitölu, heimilisfang, símanúmer, netfang, menntun, reynslu og öðrum upplýsingum sem eðlilegt er að komi fram í ferilskrá eða kynningarbréfi.

Söfnun persónuupplýsinga þegar þú sækir um starf er nauðsynleg svo hægt sé að taka á móti umsókn þinni og meta hana með tilliti til þess starfs sem þú sækir um.

Vinnsla persónuupplýsinga í þessum tilfellum fer fram á grundvelli þess að gera nauðsynlegar ráðstafanir að beiðni umsækjanda áður en samningur er gerður, sbr. 2. tl. 1. mgr. 9. gr. persónuverndarlaga.

Á meðan þú starfar hjá okkur

Á meðan þú starfar hjá okkur verður sveitarfélagið að vinna með persónuupplýsingar þínar svo hægt sé að standa við skuldbindingar samkvæmt ráðningarsamningi. Hér er um að ræða upplýsingar á borð við laun, bankaupplýsingar, lífeyrissjóð, stéttarfélagsaðild og viðveru.

Heimild til að vinna með þær persónuupplýsingar byggir á 2. tl. 1. mgr. 9. gr. persónuverndarlaga. Þegar um er að ræða viðkvæmar persónuupplýsingar, svo sem upplýsingar um veikindi, byggir hún á 2. tl. 1. mgr. 11. gr. persónuverndarlaga

Þegar þú sendir okkur fyrirspurn í gegnum tölvupóst

Þú getur sent okkur fyrirspurn með tölvupósti. Tilgangur þess er að auðvelda samskipti íbúa við starfsfólk sveitarfélagsins. Í þessum tilfellum er safnað upplýsingum á borð við nafn, netfang og hverju erindið snýr að.

Vinnsla persónuupplýsinga hér byggir á samþykki þínu, sbr. 1. tl. 1. mgr. 9. gr. persónuverndarlaga. Sé fyrirspurnin aftur á móti þess eðlis að hana ber að skrá sem sértakt mál í kerfum sveitarfélagsins, þá byggir vinnslan á 3. og/eða 5 tl. 1. mgr. 9. gr. persónuverndarlaga.

Þegar þú, eða vinnuveitandi, þinn á í viðskiptasambandi við okkur

Ásahreppur á í viðskiptasambandi við ýmsa aðila, svo sem þá sem selja sveitarfélaginu ýmsa sérfræðiþjónustu, úthluta búnaði eða taka að sér tiltekin verk. Þeir aðilar geta hvort tveggja verið lögaðilar eða einstaklingar. Þegar um viðskiptasamband er að ræða safnar Ásahreppur nauðsynlegum tengiliðaupplýsingum á borð við nafn og netfang.

Þegar einstaklingur veitir þjónustu í eigin nafni byggir vinnsla persónuupplýsinga á samningi, sbr. 2. tl. 1. mgr. 9. gr. persónuverndarlaga. Þegar einstaklingur kemur fram í nafni fyrirtækis byggir vinnsla persónuupplýsinga á lögmætum hagsmunum, sbr. 6. tl. 1. mgr. 9. gr. persónuverndarlaga.

Önnur vinnsla persónuupplýsinga tengd starfsemi Ásahrepps

Ásahreppur sinnir ýmsum verkefnum hverju sinni sem sveitarfélag og þarf óhjákvæmilega í einhverjum tilvikum að vinna persónuupplýsingar. Tilgangurinn fer eftir því hvaða verkefni um ræðir hverju sinni en hann er að meginstefnu til að standa við gerða samninga, vegna lagaskyldu eða vegna beitingu opinbers valds.

Grundvöllur vegna þeirra vinnslna byggir þ.a.l. á samningi, sbr. 2. tl. 1. mgr. 9. gr., lagaskyldu, sbr. 3. tl. 1. mgr. 9. gr. eða beitingu opinbers valds, sbr. 5. tl. 1. mgr. 9. gr. persónuverndarlaga.

MÍÐLUN PERSÓNUUPPLÝSINGA TIL ÞRIÐJA AÐILA

Ásahreppur notast við rafrænar lausnir frá þriðja aðila sem auðvelda sveitarfélaginu að halda utan um og miðla upplýsingum. Eigendur lausnanna kunna að hafa aðgang að persónuupplýsingum. Sveitarfélagið gerir þá ávallt vinnslusamning við viðkomandi þjónustuaðila í samræmi við persónuverndarlög. Slíkur samningur kveður meðal

annars á um skyldu hans til að gæta fyllsta trúnaðar, tryggja öryggi og fara eingöngu með persónuupplýsingar í samræmi við fyrirmæli Ásahrepps.

Vinnsluaðilar Ásahrepps eru:

- dk
- TRS
- OneSystems
- Tactica

Í ákveðnum tilfellum kann Ásahreppi að vera skylt samkvæmt lögum að deila persónuupplýsingum með þriðja aðila sem ekki er bundinn fyrirmælum sveitarfélagsins um meðferð þeirra. Rétt er þó að taka fram að þeim aðilum er þó ávallt skylt að haga meðferð þeirra í samræmi við persónuverndarlög.

VARÐVEISLUTÍMI PERSÓNUUPPLÝSINGA

Ásahreppur er afhendingarskyldur aðili á grundvelli laga nr. 77/2014 um opinber skjalasöfn og er því óheimilt að ónýta eða farga nokkru skjali sem fellur undir gildissvið laganna, nema með heimild Þjóðskjalavarðar.

Almennt eru þær persónuupplýsingar sem Ásahreppur vinnur því afhentar Héraðsskjalasafni Rangæinga og V-Skaftfellinga að þrjátíu árum liðnum.

RÉTTINDI ÞÍN

Samkvæmt persónuverndarlögum hefur þú ákveðin réttindi sem þú getur nýtt þér. Þú getur nýtt þér réttindi þín með því að senda beiðni á netfangið asahreppur@asahreppur.is. Kjósir þú að nýta þér réttindi þín á grundvelli persónuverndarlaga er það þér að kostnaðarlausu.

Ásahreppur hefur einn mánuð til að svara erindi þínu en hægt er að framlengja frestinn um tvo mánuði sé beiðnin sérstaklega umfangsmikil.

Hafa skal í huga að réttindi þín kunna að vera háð ýmsum skilyrðum. Hér að neðan má finna yfirlit yfir réttindi og upplýsingar um í hvaða tilvikum þau kunna að vera takmörkuð hjá sveitarfélaginu.

Aðgangsréttur

Þú átt rétt á að fá aðgang að og afrit af öllum persónuupplýsingum sem Ásahreppur vinnur um þig. Í vissum tilvikum geta undantekningar frá réttinum átt við, svo sem ef réttindi annarra veða þyngja.

Réttur til leiðréttinga

Þú átt rétt á því að fá leiðréttað persónuupplýsingar um þig sem þú telur rangar. Taka skal þó fram að lög nr. 77/2014 setja þessu ákvæði ákveðnar skorður þar sem Ásahreppi er oft óheimilt að breyta gögnum sem sveitarfélagið býr yfir. Þá kann aftur á móti að vera mögulegt að koma leiðréttingu á framfæri með athugasemd sem látin er fylgja með gögnunum þegar við á. Jafnframt getur þú einnig beðið Ásahrepp að bæta við þær persónuupplýsingar sem sveitarfélagið hefur um þig og þú telur ófullnægjandi.

Réttur til eyðingar / Réttur til að gleymast

Rétturinn til eyðingar eða til að gleymast á að meginstefnu ekki við um Ásahrepp þar sem sveitarfélagið er bundið af lögum um opinber skjalasöfn til að varðveita nær undantekningalaust öll þau gögn sem verða til og berast til sveitarfélagsins. Kveðið er á um það í persónuverndarlögum að réttur til að eyðast eða gleymast eigi ekki við ef lög mæla fyrir um að upplýsingar skuli varðveittar.

Réttur til takmörkunar á vinnslu

Í ákveðnum aðstæðum átt þú rétt á að biðja um að vinnsla sé takmörkuð.

Réttur til að andmæla vinnslu

Þegar Ásahreppur vinnur persónuupplýsingar um þig á grundvelli almannahagsmuna, þ.e. lagaheimildar, eða við beitingu opinbers valds, átt þú rétt á að andmæla vinnslunni.

Réttur til að flytja eigin gögn

Sá réttur á aðeins við þegar persónuupplýsingar eru unnar á grundvelli samþykkis eða við gerð samnings og vinnslan er sjálfvirk. Ásahreppur starfar á grundvelli laga og því er lítil hluti vinnslu persónuupplýsinga byggður á samþykki eða samningi. Það er því ólíklegt að þessi réttur eigi við þar sem Ásahreppur vinnur persónuupplýsingar nær eingöngu á grundvelli lagaskyldu eða beitingu opinbers valds.

Réttur til að afturkalla samþykki

Ef Ásahreppur byggir vinnslu á samþykki, átt þú rétt á að afturkalla samþykki þitt hvenær sem er. Afturköllun samþykkis hefur þó ekki áhrif á lögmæti þeirrar vinnslu sem fram fór áður en samþykki var afturkallað.

Réttur til að leggja fram kvörtun hjá Persónuvernd

Þú átt rétt á að leggja fram kvörtun hjá Persónuvernd ef þú dregur í efa að Ásahreppur meðhöndli persónuupplýsingar þínar í samræmi við persónuverndarlög. Hægt er að senda inn erindi á www.personuvernd.is.

ÖRYGGI PERSÓNUUPPLÝSINGA

Ásahreppur hefur gripið til tæknilegra og skipulagslegra öryggisráðstafana í því skyni að tryggja viðunandi öryggi persónuupplýsinga. Öryggisráðstöfunum þessum er ætlað að vernda persónuupplýsingar gegn því að þær breytist, glatist, verði birtar eða aðgangur veittur að þeim í leyfisleysi.

Aðgangsstýringar eru að kerfum og skrifstofu sveitarfélagsins. Ásahreppur reynir jafnframt eftir fremsta megni að stuðla að aukinni vitundarvakningu hjá starfsmönnum með reglulegri þjálfun og fræðslu um hvernig gæta skuli að öryggi persónuupplýsinga.

ENDURSKOÐUN

Persónuverndaryfirlýsing þessi getur frá einum tíma til annars tekið breytingum í samræmi við breytingar sem verða á viðeigandi lögum og reglugerðum eða ef breytingar verða á því hvernig Ásahreppur vinnur með persónuupplýsingar. Tilkynnt er um slíkar breytingar á heimasíðu Ásahrepps, www.asahreppur.is.